

Uunga siunnersuut: Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. xx, xx. xxx 2017-imeersoq
(Kommuninut, Nunaqarfinnut, Isorliunerusunut, Attaveqaatigiinnermut Ineqarnermullu Naalackersuisunut ilaasortaq)

Saqqummiussissut

(Kommuninut, Nunaqarfinnut, Isorliunerusunut, Attaveqaatigiinnermut Ineqarnermullu Naalackersuisunut ilaasortaq)

Siullermeerneqarnera

Matumuuna Naalackersuisut sinnerlugit Kalaallit Nunaata nunap immikkoortuinut kommuneqarfinnullu aggorneqarnera pillugu inatsisissatut siunnersuut saqqummiuppara.

Qaasuitsup Kommuniata kommuninut marlunnut avinnerata kinguneranik inatsisissatut siunnersuut suliarineqarpoq.

2014-imi tikkuussisumik Qaasuitsup Kommuniani innuttaasunik taasisitsisoqarmat amerlanerussuteqarluartut kommunip avinnissaanut isumaqataallutik taasipput.

Qaasuitsup Kommuniani kommunalbestyrelsip isumaqatigiissup 2016-imi Naalackersuisunut inassuteqaatigaa kommuni marlunnut avinneqassasoq uku illoqarfigalugit Ilulissat, Uummannaq, Upernavik Qaanaarlu, aamma Aasiaat, Qasigiannugit, Qeqertarsuaq kiisalu Kangaatsiaq.

Naalackersuisut taassuma kingorna Qaasuitsup Kommuniata avinneqarnissaa pillugu Inatsisartut 2016-imi ukiakkut ataatsimiinneranni Inatsisartut inatsisissaannik siunnersuuteqarput Kommunini suliassaqrarfiit aaqquissuuteqqinneqarnerata allanngortinneqarneranik Inatsisartut inatsisaanni nr. 30, 28. november 2016-imeersutut akuersissutigineqarluni.

Tamanna tunuliaqutaralugu 2018-imi januaarip aallaqqaataanniit Qaasuitsup Kommunianima avinneqassaaq Kommune Qeqertalik (Kujalleq) aamma Avannaata Kommunianima (Avannarleq).

Taamaalilluni inatsisissatut siunnersuummi kommunit killeqarfii nutaat aalajangersarneqarput. Nunap assingatut ilanngussami takuneqarsinnaavoq 2009 sioqqullugu kommunitoqqat aggorneqarnerat naapertorlugu agguisoqartoq. Tamanna Naalackersuisut naleqqunnerpaatut nalilerpaat.

Naggasiutigalugu inatsisissatut siunnersuut tassungalu oqaaseqaatit innersuussutigissavakka.

Taamatut oqaaseqarlunga Naalackersuisut sinnerlugit siunnersuut Inatsisartunut suliassanngortippara.